



服部文庫
イ17
2099
22

99
22
1



奉寄題六條西門主浴景樓

誰言法主任西天樓觀莊嚴渤澥邊何用十洲未羽
客長令四衆仰金仙渺茫蜃氣含軒檻旭日鰲頭照
大千指點凌波輪自轉蓮華湧出影重圓

十五夜聞箏

搖落秋方半西風散夕陰鳴箏秦女思對月楚人心
露與絃繁似更隨柱促深曲終猶側耳蟋蟀送餘音

廢宅看月

戶庭人不見孤月上頽牆依舊團圓影散添秋露光
陰蟲連古砌老鼠走空梁獨往無儔侶那堪今夜長

祐月上人住常陽正定山大念寺賦此贈別

梅檀林幾處卓錫此隨緣大刹河流側名山澤國邊
念唯歸奉佛定豈得非禪許掾情備切且期登涉年

和宗廉師玉笥山中逢九日見寄懷之作

知君拄杖倚層巒渺々東溟回首看縱有黃花開各
處那堪佳節阻同歡峭函險擁關門起驛路秋連澗
壑寒贈我碧雲天外色吟成應覺別離難

送月橋師道信中西上兼寄懷烏石山人

斯師歸上國長路日攀緣棧掛岵嶮山寒搖落
王孫遊已久故舊老相憐幾歲離群恨聊憑白足傳

擬宴邊將

將
落日同歸自戰場下鞍諸夜飛觴胡笳曲裡總成
忽報前山烽火光

哀々行

哀々婦人何所苦半夜自經道傍樹縊縵之衣首如
蓬雙袖斷割應有故身死魂去問無緣纖手垂々行
人顧忽聞草間兒啼聲啞啞斷續盡哀慕雙袖在茲
當襁褓覆藉慙慙障風露計畫無復徒爾爲胡然盡
意護此兒母子恩情目如見想得昨夜訣別時心肝
摧裂仰天訴嗚咽相雜祝兒辭河漢耿耿星辰列彼

去

蒼生者那得知明朝收得能代我推燥居濕知是誰
衣可割恩不可割棄還顧擇處移命可絕恩不可絕
縱死何忍斯須離死而有知應屍視遺骸猶似立志
疲生前不知何人婦身後唯知此兒母路人雨泣何
忍看兒也汝知母恩否

楓落吳江冷

長空湛々送斜暉隔岸霜林葉已稀不憚秋風波浪
濶誰思鱸膾一帆歸

和平景瑞中秋遊湘中看月之作

不淺滄洲興乘秋到此鄉海天晴掛月沙岸夜飛霜

客眼迷烟水漁歌響渺茫湘中遊已好令我見琳琅

空山棲隱客

空山棲隱客猿鶴此追隨屋外唯雲樹牀頭一酒卮
自應耳獨善適莫少相知別有彈琴趣澗流無盡時

苦寒行

萃堂何處錦為茵獸炭氤氳上春出塞征夫齊墮
指無衣遠客獨傷神冰霜不盡鄉關路雨雪遙迷潮

海濱直置田間偏粟烈妻兒卒歲奈窮民

歲晚吳觀侯席上得豪韻

綺席風流愛我曹歲闌杯酒興偏豪青雲色合吳門

臨 齋

望別有樓臺百尺高

綠陰室茶讌席上詠瓶梅

禪房爐暖午烟翻茗飲心閑道自存瓶裡一枝春已
動他時且見綠陰繁

元雄稿

